

## ARUBA TRADING A CELEBRA 75 AÑA DI EXISTENCIA

Aruba Trading a celebra cu dia 28 di Juni cu a pasa Aruba Trading a cumpli 75 aña di existencia.

Un compania cu a cuminsa chiquito y a crece bira asina grandi manera Aruba Trading ta poco a resta.

Un di e prome producto cu a cuminsa cu e compania y cu tambe a celebra 75 aña tabata e producto di Johnnie Walker. Un celebracion total a tuma lugar na Aruba Trading cu a ofrece su empleadonan, clientenan special y invitadonan un cena espectacular y un anochi inolvidable na Tierra Del Sol. Representante di Aruba Trading sr. Boefie Barbour a gradici tur hende cu a coopera durante tur e añanan aki y a haci Aruba Trading un compania netamente Arubano.

Ademas na e anochi special a honra empleadonan cu a cumpli 35, 25 y 10 aña cu e compania cual ta e exito tambe di Aruba Trading.

Na e cena special aki invitadonan manera Gobernador, Prome Minister y otro mandatarionan tabata presente pa celebra hunto cu Aruba Trading.

Un compania cu un historia bunita su tras y di elogia mirando cu Aruba a yega di conoce hopi companianan cu a bin y bay pero Aruba Trading a wordo funda pa keda pa hopi aña mas.

Sr. Boefie Barbour tabata sumamente contento di por a conta cu e sosten di pueblo di empleadonan cu a yega di forma parti di Aruba Trading y Share Holders cu a pone nan confianza den Aruba Trading, sr. Diageo, sr. Hemish McDonalds y sr. Kenneth Pfeiffer.

Despues di a disfruta di un anochi special e siguiente dia Aruba Trading a pone un tremendo shopping bazaar pa su clientenan cu tabata un exito rotundo.

Pa anochi patras di Aruba Trading, ariba e parkinglot den Weststraat un celebracion grandi a tuma lugar cu bandanan local y presentacion di varios artistanan local.

Hasta e bebidanan di marcanan famoso cu Aruba Trading ta bende tabata bay e anochi aki na prijs di 75 aña pasa cual tabata un ganga espectacular y un anochi grandioso.

